

ԹԵՄԱԿԱՆ ԽՈՐՀՈՒՐԴԻ ԱՏԵՆԱԳՐՈՒԹԵԱՆ  
ՄԷՋ ԵՂԱՄ ԱՐՁԱՆԱԳՐՈՒԹԻՒՆՆԵՐ

ՓԵԹՐՈՍԸՆԻ ԵՒ ՊԸՐԿԸՆ ԲԱՌԻՆԴԻԻ ԾՈՒԽԵՐՈՒՆ  
ԵԿԵՂԵՑԱՄԻՆԱԿԱՆ ՀԱՐՑԻ ԾՈՒՐՁ

"Գ.- Օետրուար 19ին Սրբազան Հայրը գտնուած է Փէթրոսընի համայնքը: Այս ծուխը տարիներ է ի վեր ունեցած իր ծրագիրը գործադրելու համար՝ Տէյրլոն քաղաքին մէջ գտած է ընդարձակ հող մը, որուն վրայ կան երեք շէնքեր: Այս կալուածը կարելի է գնել շատ նպատակաւոր գինով: Սրբազան Հայրը, տեսնելով այդ կալուածը, գտած է որ շատ նպատակաւոր մար է, մանաւանդ որ Փէթրոսընի երիտասարդ տարրը այդ կողմերը բնակութիւն հաստատած է, կարելի է նոր եկեղեցի մը շինել այդ գետինին վրայ: Առաջնորդ Հայրը իր հաւանութիւնը տուած է այդ ուղղութեամբ Փէթրոսընի Մխական Խորհուրդին:"

Մարտ 21, 1958

"Յ.- Ընդհանուր կարծիքներ փոխանակուելէ ետք, ժողովս եզրակացուց թէ Պըրկըն Բառնդիի ծուխը պէտք է ընթացք տայ եկեղեցւոյ շինութեան, արդէն գտնուած գետինին վրայ. իսկ Փէթրոսընի ծուխը շանայ ծախել Տէյրլոնի մէջ գտած կալուածը, եւ մէկ-երկու տարուան շրջանով նախաձեռնարկ չըլլայ նոր եկեղեցիի մը շինութեան, եւ եթէ անպայման առիկա ընել հարկ տեսնեն, այն ժամանակ թող գնեն գետին մը Փրսէյք Բառնդիի յարմար վայրի մը մէջ: Ուրիշ խօսքով, Պըրկըն Բառնդիի մէջ պէտք է շինուի թեմին ենթակայ միայն մէկ եկեղեցի ու առիկա շինելու է Պըրկըն Բառնդիի ծուխը:"

Ապրիլ 18, 1958

"Գ.- Նկատի ունենալով որ, աւելի քան տարիէ մ'ի վեր, Թեմական Խորհուրդի հաւանութեամբ, Պըրկըն Բառնդիի մէջ նորակազմ Հայ Առաքելական համայնքը ձեռնարկած է եկեղեցաշինութեան գործին.

Թեմական Խորհուրդս իմաստուն չի համարեր արտօնել որ Առաջնորդարանիս ենթակայ ուրիշ համայնք մը նոյն շրջանին մէջ նախաձեռնէ եկեղեցի կամ արահ շինելու, մինչեւ որ Պըրկըն Բառնդիի համայնքին եկեղեցաշինական գործը իրականացման ճամբուն մէջ մտած չըլլայ:"

Մայիս 21, 1959

Թեմական Խորհուրդի այս ժողովներուն մէջ, Փէթրոսընի եւ Պըրկըն Բառնդիի ծուխերուն ներկայացուցիչները լսելէ ետք, տրուած են վերեւի որոշումները: